

Baezhaenx, Caen Vei

那次，真委屈

Hai aen hab ndaejgeiq, aen dem aen ruz iq gak saek gak yiengh hai okdaeuj. Miz di yied hai yied gyaе, miz di youq giz gyaе yawj yaek raen mbouj raen, miz di louz youq baksok……Miz di dwg saek nding, gwnzde cang vaiqvued; miz di dwg saek mok, gwnzde cang nanzgvaq; miz di dwg saekceb, daibyauij sim soeng-sangj……

Youq ndaw hab ndaejgeiq gou, couh miz aen ruz saekmok he itcig louz youq baksok, aen ruz iq neix geiqloeg gienh saeh he. Sei q nienzgaep seiz ngoenz he, gou sij sat gij cozyez hagdangz heuh guh haenx, youh hainduj sij gij yijvwnz cozyez daxmeh heuh guh, gou nyinhcaen dwk guh sat lo. Daengz le gyanghaemh, daxmeh daeuj genjcaz gij cozyez de heuh guh haenx, daxmeh baez fan bonj cozyez, fwngz gaem gisongi vaiqvuet dwk genjcaz le yaephe, sawqmwh naj couh haen lo, hujdengdeng lo, faj fwngz de gaem cozyez haenx miz di saenz, gvaq le yaephe, sikhaek hoizsaenz gvaqdaeuj, hatvava heuh: “Siujvangh, mwngz gvaqdaeuj!”

“Guh gijmaz?” Gou ngeiz-vaeg dwk cam.

“Mwngz lij gamj cam gou?” Daxmeh vix gij cozyez gou, rongx gou naeuz: “Gij neix couh dwg gij cozyez mwngz sij?! Mwngz seizlawz sij cih sij ndaej baenz ndei yawj ha? Gou baenzlawz mbouj rox? Lauxsaed gyaudaih, dwg mbouj dwg daeggo dahceh daeuj ranz dou seiz bang mwngz sij?”

“Mbouj…… mbouj…… mboujmiz ha. Dahcej ceiggaenx cungj mbouj daeuj ranz dou, caiq gangj cozyez dwg gou ngoenzneix ngamq sij, dahcej baenzlawz bang gou sij ha?” Gou caegcaeg niengx gyaеuj yawj daxmeh, cijraen de najbyak nyaеuq dwk, ndaw da lumj ok feiz nei, gou dingqnyi de maenjheuj yiengjgatgat gig cingcuij. Najbyak gou fwt miz hanhheu conh okdaeuj.

“Mwngz yaеuh gou!” Daxmeh baez gingz fwngz, dad mbat he haeuj naj gou daeuj, sawqmwh, gou gamjdaengz gwnz naj manhsadsad, hoeng gou lij naeuz: “Daxmeh, gou mbouj miz, gou caen mbouj hawj vunz bang sij, gij cozyez neix caen dwg gou swheij sij ha.”

“Baenz lo! Mwngz seizneix hag rox yaеuh vunz lo dwg lwi, ndaej! Gou neix couh dwk dienhvah cam biujgo biujcej mwngz, yawj gyoengqde dwg mbouj dwg bang mwngz sij!” Daxmeh gangj sat couh dawz soujgih hwnjdaeuj, dwk dienhvah hawj biujgo gou.

“Siujveij ha, mwngz dwg mbouj dwg bang dahnuengx sij cozyez ha?” Daxmeh nyaenx gij hujheiq de, “unqswnh” dwk cam biujgo gou.

“Mboujmiz ha.” Daeggo lauxsaed dwk dap naeuz.

“O, yienghneix mboujmiz saeh lo.” Daxmeh gven dienhvah le, youhcaiq dwk hawj dahcej, hoeng dahcej hix naeuz mbouj bang gou sij gvaq. Daxmeh hujdengdeng doiq gou naeuz:



“Hw! Gou couh mbouj saenq ra mbouj ndaej cingqgawq! Mwngz caj gou!” Gou mbouj miz saek di banhlap, gag ma ndaw rug, hoemq moeg ndei le, raemxda couh lumj gij naed caw deng mae goenq haenx, doek roengzdaeuj sasa, ciemhciemh dwk gou ninz ndaek lo……

Daxmeh, gou mbouj haemz mwngz gvaq, hix coengzlaiz mbouj ienq mwngz gvaq, hoeng gienh saeh haenx caen gig sieng aen sim gou, hawj gou gig vei, gou siengi, gizsaed miz di saeh, rox lumj golinzgaeq, biu bae biu bae couh rox ra raen diegyouq swheij, hoeng miz di saeh couh lumj duzmax ak deng cag lamh, baenzlawz haenqrengz hix duet mbouj ndaej…… Yienghneix sienghahh vunz le baenzlawz hix gouq mbouj dauq lo, couh lumj aen bingz bohliiz dwk soi q le, baenzlawz nem hix nem mbouj baenz aen bingz ndei lo……

Daxmeh, mwngz rox lwi?

(haj nienzgaep Vangh Cinghcwngz)

Gou Maez Vangjloz Lo

我迷上了网络

Camj lo camj lo, gou gingqyienx maez dwk dennauj youzhi. Mbat neix gou caen camj lo, cungj gvaig gou nyinhnaeuz swheij ak dingj ndaej ciunyex. Gou ienqhoij cungj mboujmiz yungh lo.

Dauqngex gaxgonq, gou ciengz dingq vunzhung itheij lwnh naeuz lwngyez swheij maez dwk dennauj, daxmeh gou doq dingq doq gienq gou naeuz mbouj cinj gou dwk youzhi. Gou moix baez cungj mbouj naihfanz saek di ngaekngaek gyaеuj. Hoeng ndawsim gou caeux miz cungj siengjap he: Gijmaz dennauj youzhi, lij rox hawj vunz hwnjyinx, gou cix mbouj saenq ne! Cungj miz ngoenz he, gou guh hawj sou yawj, couh suenq gou dwk dennauj youzhi, hix mbouj deng de maezngunh. Gangj daengz gizliux de mbouj gvaq dwg youzhi hane.

Baez haenx, gou youq gwnz dennauj caz swliu sat le, raen daxmeh mbouj youq ranz, aenvih gamjdaengz geizgvaig, hix nyinhnaeuz swheij haengdingh mbouj rox haeujmaez, couh daihdamj dajhai “QQ youzhi”, labluen diemj aen youzhi “dwk bop”, dwk mbat he le, mbouj rox mbouj nyinh ndaej hingz cib faen, gou angq dwk hemq hwnjdaeuj, lij bagyanyan nyinhnaeuz swheij seng daeuj couh ak dwk youzhi. Gou laebdaeb dwk, gijmaz saeh cungj lumz lo. Seizgan gvaq ndaej gig vaiq, daengz daxmeh ma le heuh gou gou cungj mbouj roxnyinh, de buet gvaqdaeuj baez yawj, sikhaek ndatheiq dwk naeuz gou. Gou miz di simsaenz, mbouj rox baenzlawz guh cij ndei. Hoeng dwglau gvaq le, hix miz naed ceh rwix ndeu doek youq ndawsim, caemhcaiq maj ndaej gig vaiq.

Riengzlaeng geij ngoenz, gou lumj deng fangz dawz nei, mbouj guenj seizlawz cungj siengi “dwk bop”, lij maqmuengh daxmeh vaiqdi okbae, hawj gou ndaej cwxcaih dwk ciengz he. Hoeng moix baez dwk sat le, gou youh gig sim’ in gig ienqhoij, lwgda hix gig naiq, gyaеuj hix gig ngunh, guh gijmaz cungj mbouj baenz, saekmwh cix nyienh dai ne.

Doeklaeng gienq daihgya coenz he: Aeu dingq vah vunzhung, mboujnex rox deng gwnvi. Yawj gou, couh dwg aen yiengh rwix he.

(Bangz Cwzhij)

Gou Fatyienh Lo

我发现了



Gou gyaеz gwn gyoij, aenvih aenndang de raezrangrang, lumj aen ruz iq he, youh lumj aen ronghndwen vauq he.

Song ngoenz gonq, daxmeh cawx be gyoij he hawj gou, aenvih gwn mbouj liux, ndigah gou dawz gyoij cuengq haeuj binghsiengh bae. Ngoenzneix gou hai binghsiengh yawj, fatyienh naenggyoij cungj bienq ndaem lo, mbek naeng de baez yawj, ndawde gij nohgyoij lij hau, gou gig doeksaet, ngeizvaeg dwk cam daxmeh, daxmeh hix naeuz mbouj rox. Ndigah gou caeuq daxmeh hwnjmuengx bae caz dapanq, laxlawz gij sibauh naenggyoij hamz cungj yangjvayausu he. Danghnaeuz gyoij deng nae roxnaeuz deng sieng, gij sibauhmoz de byoengq le, gij yangjvayausu ndawde deng gij yanggi ndaw hoengheiq yangjva, cauxbaenz cungj doxgaiq saekndaem ndeu, naenggyoij couh bienq ndaem lo.

Gou rox dapanq le angq dangqmaz! Saeqsim cazyawj swngghoz, youq ndaw swngghoz fatyienh vwndiz, gaijgez vwndiz, caen dwg gienh saeh hawj vunz sim’ angq ndeu!

(sam nienzgaep Van Hinhyez)

